



Broj: 01/1-02-2854/15  
Ilijaš, 24.11.2015. godine

**Z A P I S N I K**

sa 35. (tridesetpete) sjednice Općinskog vijeća Ilijaš, održane dana 24.11.2015. godine, sa početkom u 10h.

Tridesetpetom sjednicom OV-a Ilijaš predsjedavao je predsjedavajući Općinskog vijeća Ilijaš g-din Damir Filipović.

Prisutni vijećnici:

<b>RB.</b>	<b>IME I PREZIME</b>
<b>SDA</b>	
1	MAHIR DEVIĆ
2	-
3	SAUDIN DURMIĆ
4	-
5	MUAMERA MASNOPITA
6	MUAMER DERVIŠEVIĆ
7	FAHIR HASANOVIĆ
8	RASIM ŠEHIĆ
9	SELMA PUŠINA
<b>SDP</b>	
10	ALAN ŠERAK
11	-
12	DAMIR FILIPOVIĆ
13	SELVER HERIĆ
<b>SBB</b>	
14	ADEM EFENDIĆ
15	NIJAZ MAŠIĆ
16	SEAD ŠEHIĆ
17	AKIF BEŠLIJA
<b>SAMOSTALNI VIJEĆNICI</b>	
18	EDHEM HASANOVIĆ
19	ASIM MUJIĆ
20	-
21	ENES DIZDAREVIĆ
<b>STRANKA ZA SREDNJE</b>	
22	BESIM GLJIVA
23	AIDA MALIŠEVIĆ

	<b>LDS</b>
24	NIJAZ RASTODER
	<b>BPS</b>
25	MUHAMED HANDŽIĆ

Odsutni vijećnici:

1. Nedim Matoruga
2. Halid Dizdarević
3. Marioneta Ilić-Jureta i
4. Nihad Bučuk

Prisutni gosti:

1. Nermina Durić-Kahvedžić- Radio Ilijaš
2. Mirsad Hamzić – predsjednik Savjeta MZ Malešići
3. Alen Matoruga – predsjednik Savjeta MZ Misoča
4. Mehmed Smajlović – predsjednik Savjeta MZ Mrakovo
5. Almir Špiodić – predsjednik Savjeta MZ Podlugovi
6. Meho Tabaković – predsjednik Savjeta MZ Ljubina

Ostali prisutni:

1. Zdravko Barić – pomoćnik načelnika
2. Nijaz Spahić – pomoćnik načelnika
3. Merima Osmanović – pomoćnik načelnika
4. Alma Imamović – pomoćnik načelnika
5. Sanja Zagorac-Jozić – pomoćnik načelnika
6. Meliha Avdibegović – pomoćnik načelnika
7. Sadeta Brkić – pomoćnik načelnika
8. Ilda Kahriman – sekretar OV-a Ilijaš
9. Adha Masnopita – stručni saradnik u Službi za društvene djelatnosti
10. Maida Habibović – zapisničar.

Predsjedavajući je otvorio sjednicu i konstatovao da postoji kvorum za odlučivanje.

Pročitao je predloženi dnevni red i dao na razmatranje zapisnik sa prethodne sjednice Općinskog vijeća Ilijaš.

Primjedbi na zapisnik nije bilo, pa je Općinsko vijeće jednoglasno usvojilo zapisnik sa 34. sjednice.

Zatim je dao na razmatranje predloženi dnevni red.

SADETA BRKIĆ – pomoćnica načelnika za imovinsko-pravne poslove, geodetske poslove i katastar

Predložila je dopunu dnevnog reda pod tačkom 12.c) rješenje broj:06/1-31-2490/14.

MAHIR DEVIĆ – zamjenik predsjedavajućeg

Predložio je da pod tačkom 13. OV-e otvori diskusiju i raspravu, da se izanalizira od strane predlagača, da vidimo koji bi to set mjera bio najadekvatniji da ga OV-e usvoji, a da se izjašnjavanje, u dogovoru sa načelnikom, pripremi za narednu sjednicu OV-a. Znači, da se danas ne glasa o konkretnim mjerama iz razloga da ne usvojimo niz mjera koje će

kasnije biti u suprotnosti sa određenim odredbama. Znači, svi da damo prijedloge, a onda da OV-e zaključi da predstavnici svih političkih stranaka zajedno sa načelnikom još jednom napiše koje su to mjere i onda da se da na glasanje.

SELVER HERIĆ – vijećnik SDP-a

KV SDP-a nema ništa protiv ove tačke, ali smatramo da bi bilo dobro da se tačka 13. povuče sa dnevnog reda, a na sljedećoj sjednici, uz prisustvo načelnika, da raspravljamo o njoj.

DAMIR FILIPOVIĆ – predsjedavajući

Dao je na glasanje prijedlog Selvera Herića da se 13. tačka povuče sa dnevnog reda, te je OV-e sa 18 glasova ZA i 3 PROTIV povuklo navedenu tačku sa dnevnog reda.

Primjedbi i prijedloga na na predloženi dnevni red više nije bilo, pa je Općinsko vijeće Ilijaš jednoglasno usvojilo slijedeći

### **DNEVNI RED**

1. Vijećnička pitanja i inicijative
2. Izvještaj o realizaciji zaključka sa 34. sjednice
3. Prijedlog Zaključka o izmjeni procedure o dodjeli priznanja Općine Ilijaš za 2015. godinu
4. Nacrt Budžeta Općine Ilijaš za 2016. godinu
5. Nacrt Odluke o izvršavanju Budžeta općine Ilijaš za 2016. godinu
6. Prijedlog Odluke o davanju saglasnosti općinskom načelniku za sklapanje ugovora o osnivanju stvarne služnosti na poslužnoj nekretnini – zgradi izgrađenoj na zemljištu označenom kao k.č.br.153 K.O. Ilijaš Grad (novi premjer)
7. Prijedlog Odluke o imenovanju 2 (dva) člana Općinske izborne komisije Ilijaš
8. Prijedlog Odluke o prodaji jednosobnog stana u ul.126.Ilijaške brigade br.3/pr
9. Prijedlog Odluke o načinu i uslovima prodaje poslovne zgrade sa zemljištem (k.č.br.760/5 K.O. SP\_Srednje)
10. Prijedlog Odluke o načinu i uslovima prodaje neizgrađenog građevinskog zemljišta (k.č.br.965/1 K.O. Ilijaš grad – novi premjer)
11. Prijedlog Odluke o izmjenama i dopunama Odluke o utvrđivanju raspona cijena za neizgrađeno građevinsko zemljište prema zonama građevinskog zemljišta u Općini Ilijaš za 2015. godinu
12. Prijedlog Rješenja iz imovinsko-pravne oblasti:
  - a) broj:06/1-31-806/15
  - b) broj: 06/1-31-1511/15
  - c) broj:06/1-31-2490/15
13. Informacija o stanju privrede, poljoprivrede i samostalnog privređivanja.

AD-1

Vijećnička pitanja i inicijative

MUAMERA MASNOPITA – vijećnica SDA

Inicijativa:

1. Na putu od raskršća za Brezu do Ljubničkog mosta pojavio se problem za kretanje

pješaka. U proteklom periodu iskopan je kompletan trotoar od raskršća za Brezu do mosta na Stavnji. Oštećen je i put. Ugroženo je kretanje pješaka. S obzirom na vremenske uslove ne vidi se da se ovo može riješiti u skorijem periodu, a pogotovo ne kvalitetno. Mi želimo da se to riješi.

Ovdje se postavlja i pitanje da li postoji dozvola za kopanje trotoara, te za priključenje velikih odvodnih cijevi u rijeku Stavnju?

#### SEAD ŠEHIĆ – vijećnik SBB-a

##### Inicijativa:

1. Pokrećem inicijativu prema nadležnoj općinskoj službi da izvođačima radova na zimskom održavanju puteva Općine Ilijaš naloži i čišćenje samih trotoara.

Obrazloženje: Svjedoci smo da se već prvi snijeg od cca 5cm pokazao kao veliki problem na saobraćajnicama Općine Ilijaš. Naime, snijeg koji je čišćen sa saobraćajnica, nabacan je na trotoare, tako da smo prvi naredni dan mogli vidjeti da se pješaci više kreću saobraćajnicama, nego trotoarima koji su namjenjeni za pješake. Razlog je što su trotoari bili prepuni snijega, te samim tim dolazi do ugrožavanja svih učesnika u saobraćaju. Molim nadležnu općinsku službu da nesavjesnim izvođačima radova na zimskom održavanju puteva skrene pažnju, te ih upoznaju da su i pješaci učesnici u saobraćaju, i da se oni moraju kretati ulicama Ilijaša.

#### NIJAZ MAŠIĆ – vijećnik SBB-a

##### Inicijativa:

1. Na zahtjev stanovnika MZ Mrakovo i MZ Podlugovi opet pokrećem inicijativu prema nadležnoj općinskoj službi da se sanira prokop puta u MZ Mrakovo kao i nasipanje tzv. bankina pored puta, na dionici od skretanja za Vratušu pa sve do kontejnera.

Obrazloženje: Želim da Vas podsjetim, ista inicijativa se pokretala na majskoj i oktobarskoj sjednici OV-a Ilijaš. Nažalost, u oba slučaja je bio isti odgovor, da izvođači radova koji su vršili prokop puta nisu poznati. Stoga Vas molim da se izađe na teren, utvrdi činjenično stanje, te da se naspu tzv. bankine na pomenutoj dionici puta, jer prilikom prvih ozbiljnih sniježnih padavina neće biti moguće ni čišćenje ni mimoilaženje automobila, jer se nasip pored puta pretvorio u blato.

Shodno čitanju mišljenja Komisije koja je izlazila na teren na ovoj istoj dionici, želim napomenuti da se ubrza iznalaženje rješenja za problem koji se tiče suženog i zatrpanog kanala otpadnih voda kako stanovnici ovog naselja ne bi strahovali od nadolazećih padavina, jer evo jutros skoro pa se voda iz kanala izljuje.

#### BESIM GLJIVA – vijećnik Stranke za Srednje

##### Inicijative:

1. Pokrećem inicijativu da JKP "Vodostan" Ilijaš instalira hlorinator na izvoru "Vrela" u što kraćem periodu. Oko detalja, neka se dogovore sa nadležnim iz Općine Ilijaš, jer lica iz Mjesne zajednice Gajevi nisu osposobljena za ugradnju navedenog hlorinatora.

2. Pokrećem inicijativu da Ministarstvo rada i socijalne politike Kantona Sarajevo u saradnji sa Crvenim križom Kantona Sarajevo obezbjedi mjesečno prehrambene pakete za socijalno najugroženije osobe tzv."Gornjeg kraja" naše općine, a u skladu sa zakonom i pripadajućom regulativom.

Obrazloženje: Naime, kao što je poznato u jednom dijelu naše općine već više od godinu dana radi javna kuhinja za socijalno najugroženije osobe, te da je ta kuhinja u velikoj mjeri opravdala svoje otvaranje što pokazuje sam broj njenih korisnika koji su uglavnom stanovnici urbanog dijela naše općine. U tom smislu postavlja se pitanje na koji način pomoći onima kojima je ta kuhinja udaljena i 50 km od stanovanja, a koji imaju potrebu za istom.

Predlažem da ovu inicijativu pretvorimo u zaključak.

3. Pokrećem inicijativu da nadležna općinska služba izvrši obilazak putne komunikacije Srednje-Šići koja je u veoma lošem stanju i preduzme mjere na sanaciji iste. Takođe i put Gajevi-Dragoradi je neophodno temeljito snimiti, jer su teški kamioni sa prikolicama isti u najvećoj mjeri uništili.

Pitanje:

1. Kako da poljoprivredni proizvođači sa područja Općine Ilijaš zaštite svoja imanja i usjeve od stoke i divljači koja često unište veliki dio usjeva i da li postoji bilo kakav pravilnik o načinu držanja stoke?

MAHIR DEVIĆ – zamjenik predsjedavajućeg (replika)

OO SDA Ilijaš je spreman podržati samo onu vrstu zaključaka koji tretiraju sve građane Općine Ilijaš. Nikakve virtuelne izborne jedinice i virutalne podjele koje se koriste u političke svrhe ne trebaju biti predmet zaključaka ovog OV-a. Naravno da su kolega meni Vaše diskusije i nastupi jasni u proteklih zadnjih deset-ak sjednica, jer koristite viruelni prostor koji se zove "donji i gornji" kraj. Zaista ne znam šta to znači za vijećnika OV-a koji bi trebao da bude vijećnik građana cijele Općine Ilijaš. Prema tome, mi smo kao OO SDA, spremni podražati zaključak koji ćete formulisati tako da se odnosi na sve građane Općine Ilijaš. Znači, preformulišite zaključak, jer ja ne znam šta to znači "donji i gornji".

BESIM GLJIVA – vijećnik Stranke za Srednje

Nemam ništa protiv da se dio zaključka preformuliše i nemam namjeru da dijelim Općinu Ilijaš na "donji i gornji" kraj. Javno ću zamoliti vijećnika Mahira Devića da u svojim izjavama koje se tiču mene, bude odmjeraniji. Moje namjere nisu loše, a činjenica je da politička partija iz koje dolazim u najvećoj mjeri djeluje na tom gornjem kraju.

Ne želim ulazi u polemike ni sa kim i nadam se da je inicijativa koju sam pokrenuo "zdrava".

MAHIR DEVIĆ – zamjenik predsjedavajućeg (replika)

U potpunosti smo spremni da sve vrste socijalnih inicijativa prema bilo kojoj mjesnoj zajednici podržimo. Pošto ste Vi predlagatelj zaključak, treba da ga preformulišete i mi ćemo ga podržati.

MUHAMED HANDŽIĆ – vijećnik BPS-Sefer Halilović

Očito da u Vašoj komunikaciji kolege, niste ste dobro konektovali. Pokušat ću da Vas približim. Besim je, koliko sam ga shvatio, korisnici javne kuhinje Ilijaš, uglavnom građani sa urbanog dijela i ta kuhinja funkcioniše na jedan fin način. Ali imate na gornjem kraju dosta ugroženih građana, ali imate i sa druge strane još jedan gornji kraj, gdje socijalno ugroženi ne mogu doći po taj obrok (Dragoradi, Gajevi, Kamenica, Bioča). Iz tog razloga Besim traži da se uputi zaključak Kantonalnom Ministarstvu za rad i socijalnu politiku i Crvenom križu Kantona Sarajevu da pomognu nama, Općini Ilijaš, da građani budu jednako zastupljeni i na gornjem kraju i da im se obezbijede paketi, jer je nemoguće da dobiju tople obroke. Znači da imaju isti tretman kao i građani koji žive blizu grada. Koliko sam shvatio o takvoj se inicijativi radi i tu inicijativu treba podržati jer smo mi vijećnici građana i gornjeg kraja i donjeg i srednjeg i lijevo i desno.

MAHIR DEVIĆ – zamjenik predsjedavajućeg (replika)

Razumijemo se mi cijelo vrijeme i nema potreba da bilo šta objašnjavamo. Evo predlažem rješenje. Neka OV-e usvoji zaključak prema nadležnom Ministarstvu da obezbijedi određeni broj paketa za socijalno ugrožene građane Općine Ilijaš.

Zatim ćemo mi našem Crvenom križu preporučiti da podjeli pakete akcentirano po mjesnim zajednicama, a to je operativa.

Kada se obraćamo Ministarstvu obraćamo se na nivou općine i zato treba samo da preformulišete zaključak.

BESIM GLJIVA – vijećnik Stranke za Srednje

Preformulisat ćemo zaključak da nadležna općinska služba u slučaju odobravanja ovih sredstava povede računa o adekvatnoj raspodjeli, ali smatram da svi pričamo o jednoj te istoj stvari.

SELVER HERIĆ – vijećnik SDP-a

Mišljenja sam da je ova tačka suvišna, jer smo svjedoci realizacije ranije prethodno donesenih zaključaka. Naravno da podržavam sve inicijative prethodnika Besima Gljiva i nije loše da se nađe kompromis da se izađe u susret socijalnim kategorijama i navesti da su to oni koji ne koriste usluge javne kuhinje.

Pitanje:

1. Dokle se stiglo sa uređenjem gruntovnih i katastarskih knjiga po avionskom snimanju. Da li se bilo šta uradilo na Općini Ilijaš?

Tražim da se odgovor dostavi za narednu sjednicu OV-a.

NIJAZ RASTODER – vijećnik LDS-a

Inicijativa:

1. Pokrećem inicijativu prema općinskom načelniku i nadležnim službama da se uredi tržnica u Ilijašu na način da se obezbijede sanitarni čvorovi itd.

## AKIF BEŠLIJA – vijećnik SBB-a

Na prošlu inicijativu sam dobio odgovor kojim sam djelimično zadovoljan, a vezano za oštru krivinu na putu Ilijaš-Popovići. Želim upozoriti nadležnu općinsku službu da to bude krajnji rok, za naredno OV-e, kakav ste mi dali i odgovor.

### Inicijativa:

1. Pokrećem inicijativu prema općinskom načelniku da u saradnji sa nadležnom općinskom službom nastavi i ubrza aktivnosti na izradi Idejnog projekta i sprovođenju istog za sportske sadržaje na prostoru MZ-e Mrakovo.

Obrazloženje: Već duže vremena se vode aktivnosti na pripremama i definisanju procedura oko izgradnje "Sportsko-rekreativnog centra" na prostoru MZ-e Mrakovo. Odlukom OV-a Ilijaš broj:01/1-02-2857-5/11 od 29.09.2011. godine pokrenuta je procedura i obezbjeđeno zemljište na prostoru MZ-e Mrakovo od strane Općine Ilijaš i građana MZ-e Mrakovo u cilju izgradnje sportskih sadržaja koji bi bili na usluzi djeci, omladini i građanima. MZ-e Mrakovo je svojom procedurom obezbijedila Idejni projekat za navedene sadržaje i dostavila nadležnoj službi Općine Ilijaš gdje su se stekli realni uslovi za obezbjeđenje finansijskih sredstava u Budžetu Općine Ilijaš za 2016. godinu.

2. Pokrećem inicijativu prema nadležnoj općinskoj službi da se od naredne sjednice OV-a Ilijaš uvede praksa, da na svim sjednicama po tački dnevnog reda "Vijećnička pitanja i inicijative" obavezno prisustvuju urbanističko-građevinski i komunalni inspektor Općine Ilijaš.

Obrazloženje: Poznato nam je da na svim sjednicama OV-a Ilijaš imamo puno vijećničkih inicijativa i pitanja iz nadležnosti urbanističko-građevinske i komunalne struke, te stoga bi bilo djelotvorno da gore navedena stručna lica prisustvuju na izvoru inicijativa i pitanja kako bi odmah poduzimali mjere iz njihove nadležnosti, a koji su zakonom propisani.

## ADEM EFENDIĆ – vijećnik SBB-a

### Pitanje:

1. Da nadležna općinska služba i JKP "Rad" dostavi informaciju (po mjesecima) o količinama prikupljenog otpada na području Općine Ilijaš za 2014. i 2015. godinu, i vrsti otpada od avgusta 2015. godine.

### Inicijative:

1. Pokrećem inicijativu da općinski načelnik i nadležna općinska služba pokrenu postupak iznalaženja adekvatnog saobraćajnog rješenja za otvaranje i izgradnju autobusnog stajališta na regionalnom putu R445 u mjestu Podlugovi, tačnije na dionici puta od BP "Merol" do raskrsnice (skretanja) za Brezu i obratno. Nakon istog, ponuditi rješenje za usvajanje javnog interesa.

Ako ima neko od nadležnih da može nešto kazati da li je nešto urađeno po ovom pozitivno neka kaže, a ako nema da se inicijativa izglasa kao zaključak.

2. Pokrećem inicijativu da se pomogne MZ Podlugovi da uđe u posjed vlastite

imovine, objekta i zemljišta "Dom Podlugovi" ili na drugi način omogućće građanima MZ Podlugovi da imaju višenamjenske društvene prostorije (dom, igrališta, itd.).  
Obrazloženje: Ugovor između zakupodavca MZ Podlugovi i zakupca d.o.o. D-Alfa je istekao 13.10.2015. godine, a zakupodavac je dana 13.09.2015. godine uredno obavijestio zakupca o vremenu isteka ugovora. Isti se nije oglasio na obavijest Savjeta MZ Podlugovi, niti je predmetne stvari ugovora vratio zakupodavcu.

SADETA BRKIĆ - pomoćnica načelnika za imovinsko-pravne poslove, geodetske poslove i katastar

Nakon održanog zajedničkog sastanka sa predsjednikom i članovima Savjeta MZ-e Podlugovi, općinskim načelnikom, koordinatorom MZ-a i pomoćnicima općinskog načelnika donesen je zaključak što se tiče nepokretnosti kako Doma MZ-e tako i zemljišta oko doma u Podlugovima. Donesen je zaključak, budući da ističe ugovor o zakupu, da pokuša mirnim putem da se to riješi. Kako to nije uspjelo, donesen je da se ide sudskim postupkom. Prethodnih dana se kompletirao dokazni materijal i dat nalog Pravobranilaštvu Kantona Sarajevo da sudskim postupkom rješava.  
Čekamo sudski postupak, a onda ćemo dalje u realizaciju kako nam Zakon dozvoljava.

ALAN ŠERAK – vijećnik SDP-a

Imam potrebu da odgovorim na pitanje gospodinu Alić Sadiku koji je zamolio vijećnika Adema Efendića da postavi pitanja ovdje kada je u pitanju prikupljanje kućnog otpada. Poručite tom gospodinu koji je izgleda nadležan samo da se proglasi ne nadležnim za bilo šta da su te stvari davno dogovorene i on samo treba da traži podatke i dobiće ih. Evidencija se vodi uredno. Ako pitate o količinama koje se prikupljaju, mjesečno, kvartalno, godišnje, nisu znatne. A znate li zašto? Zato što smo te stvari postavili tamo gdje im nije mjesto. Jasno je da je to taj gospodin tako tražio da budu negdje i došli smo do toga da imamo zelene otoke.

Drugo, ne znam dokle više ide ovaj populizam. Na Kolegiju OV-a se raspravljalo o pitanju autobuskog stajlišta u Podlugovima i zaključeno je da se tom problematikom bavi načelnik kao izvršni organ ove općine i usaglasili smo se da se ne očitujemo po zahtjevu MZ Podlugovi, već će načelnik u domenu svoje nadležnosti pokušati riješiti taj problem. Usaglasimo se, a onda Vi podnosite ovdje inicijative vezano za to. Po meni je to neodgovorna politika i nećete Vi ubrati bilo koji politički poen. Svakako da pitanje treba rješavati i staviti ćemo se u funkciju da ga svi riješimo, ali ovo što vi radite smatram da je nekorektno.

BESIM GLJIVA – vijećnik Stranke za Srednje

Zaključak sam preformulisao i trebalo bi da glasi ovako: "Da Ministarstvo rada i socijalne politike Kantona Sarajevo obezbjedi mjesečno prehrambene pakete za socijalno najugroženije kategorije stanovništva Općine Ilijaš koji nisu u mogućnosti da koriste usluge javne kuhinje zbog udaljenosti i drugih opravdanih razloga kako bi svi oni koji imaju potrebu za socijalnom pomoći bili adekvatno tretirani.

Još bih napomenuo da nadležna općinska služba i Crveni križ Općine Ilijaš vode računa prilikom eventualne podjele ovih paketa kako bi isti došli u prave ruke.



Općinsko vijeće je jednoglasno donijelo slijedeći

#### ZAKLJUČAK

Općinsko vijeće Ilijaš, traži od Ministarstva za rad, socijalnu politiku, raseljena lica i izbjeglice Kantona Sarajevo, da obezbijedi mjesečno prehrambene pakete za socijalno najugroženije kategorije stanovništva Općine Ilijaš, koji nisu u mogućnosti da koriste usluge javne kuhinje, zbog udaljenosti i drugih opravdanih razloga, kako bi svi oni koji imaju potrebu za socijalnom pomoći bili adekvatno tretirani.

ADEM EFENDIĆ – vijećnik SBB-a

Ako ništa nije urađeno po inicijativi koju sam iznio, predlažem da inicijativu pretvorimo u zaključak:

Da općinski načelnik i nadležna općinska služba pokrenu postupak iznalaženja adekvatnog saobraćajnog rješenja za otvaranje i izgradnju autobusnog stajališta na regionalnom putu R445 u mjestu Podlugovi, tačnije na dionici puta od BP "Merol" do raskrsnice (skretanja) za Brezu i obratno. Nakon istog, ponuditi rješenje za usvajanje javnog interesa.

Općinsko vijeće je jednoglasno donijelo slijedeći

#### ZAKLJUČAK

Općinsko vijeće Ilijaš, traži od općinskog načelnika Općine Ilijaš i nadležne općinske Službe Općine Ilijaš, da pokrenu postupak iznalaženja adekvatnog saobraćajnog rješenja za otvaranje i izgradnju autobusnog stajališta na regionalnom putu R445 u mjestu Podlugovi, tačnije na dionici puta od benzinske pumpe "Merol" da raskrsnice (skretanja) za Brezu i obrnuto. Nakon istog, ponuditi Rješenje za usvajanje javnog interesa.

#### AD-2

Izveštaj o realizaciji zaključka sa 34. sjednice

MUAMER DERVIŠEVIĆ – vijećnik SDA

Postavljam pitanje nadležnoj službi da li je u međuvremenu od dostavljanja materijala za sjednicu OV-a stigao odgovor od Kantonalne uprave za šumarstvo i KJP "Sarajevo-šume", a vezano za zaključak o sječi i uplati šume za građen Općine Ilijaš?

DAMIR FILIPOVIĆ – predsjedavajući

Stručna služba OV-a i općinskog načelnika do sada nije dobila nikakav odgovor.

Diskutanta po ovoj tački dnevnog reda više nije bilo, pa je OV-e jednoglasno usvojilo

Izveštaj o realizaciji zaključka sa 34. sjednice

#### AD-3

Prijedlog Zaključka o izmjeni procedure o dodjeli priznanja Općine Ilijaš za 2015. godinu

ADEM EFENDIĆ – vijećnik SBB-a

Predlažio je amandman da se umjesto riječi "uruči" upiše riječ "dodijeli".

OV-e je jednoglasno usvojilo navedeni amandma, a zatim je jednoglasno donijelo

Zaključak o izmjeni procedure o dodjeli priznanja Općine Ilijaš za 2015. godinu

AD-4

Nacrt Budžeta Općine Ilijaš za 2016. godinu

DAMIR FILIPOVIĆ – predsjedavajući

Napomenuo je da je pristiglo i pozitivno mišljenje Ministarstva finansija Kantona Sarajevo.

MUHAMED HANDŽIĆ – vijećnik BPS-Sefer Halilović

U Nacrtu se pominju velike cifre i navedeno je "po planovima Savjeta mjesnih zajednica", a niko od Savjeta nije tražio plan, niti su Savjeti dostavili planove. Nekada je bila praksa da predsjednici Savjeta MZ-a do 15. oktobra daju prijedloge pomoćnici načelnika za privredu, finansije i investicije.

Još sam primjetio u nacrtu Budžeta da ste integrisali toliko neke budžetske stavke kao npr. rekonstrukcija i održavanje javnih puteva (a mi ne znamo koji su to putevi). U operativnom planu za prošlu godinu piše isto ovako, a to znači da načelnik nije obrazložio ove stavke. Trebalo bi da znamo o kojim se tačno dionicama puteva radi.

MAHIR DEVIĆ – zamjenik predsjedavajućeg

Mi kao OV-e trebamo krenuti u proceduru usvajanja Budžeta do kraja kalendarske godine iz niza razloga koji su važni, jer kada imamo na vrijeme usvojen Budžet možemo na vrijeme provesti sve procedure i ne moramo građevinsku sezonu dovoditi u cajtnot.

Ovu stavku po MZ-a nisam baš nešto obraćao pažnju, ali postoji javna rasprava i imamo vremena da ovo bude još transparentnije ako je to u pitanju.

SELVER HERIĆ – vijećnik Stranke za Srednje

Svjedoci smo da za Nacrt treba malo i razgovarati, jer ako se ništa ne kaže, onda to tako prođe i na javnoj raspravi.

Interesuje me slijedeće: sanacija i rekonstrukcija zgrade u Mjesnom uredu Srednje (šta je planirano i je li bilo šta planirano), izgradnja vodovoda Lađevići (znamo da je ovaj vodovod Lađevići prošle godine urađen, da je rekonstrukcija Mjesnog ureda u Srednjem takođe prošle godine urađena) – šta je sada ovo? Je li ovo način prebacivanja sredstava za ovu godinu, ili je to prikazivanje utroška sredstava, a sklanjanje u drugu stranu, jer su ubrzo izbori? Predlažem da nadležna služba oformi Komisiju i vidi zašto se novac utrošio.

Treće: vodozahvati i vodotoci. Ne mogu da shvatim da se za ovu stavku izdvaja (čast Misoči, nemam ništa protiv) 430.000 KM, a ostalih rijeka nigdje nema. Ne mogu da shvatim da nije planirano uređenje rijeke Ljubina od spomen Doma bo benzinske pumpe INA iako projekat postoji.

## BESIM GLJIVA – vijećnik Stranke za Srednje

Ni u ovom Nacrtu Budžeta nema niti jedan ozbiljan, a neophodan, projekat na tzv. Gornjem kraju. Vodozahvat Vratak o kojem pričamo više godina ponovo nema u Nacrtu. Ne znam zašto se ovaj projekat zaobilazi, ako znamo da nam prijeti totalna nestašica vode. Očito se ne vodi računa ili nemate stvarne pokazatelje o stanju vodosnabdijevanja na širem području Općine Ilijaš (plato Nišića, Bijambare, Gajevi). Koliko mi je poznato projekat za vodozahvat Vratak je gotov i košta cca 1.500.000 KM (primarni vod) i čudi me da u nacrtu nisu predviđena neka sredstava kako bi se pokrenuo ovaj projekat.

Ovaj vodozahvat nije značajan samo za taj dio općine, nego i za cijelo područje Općine Ilijaš.

Ja kao vijećnik upozoravam sve nas da ćemo u narednoj godini imati kolaps u vodosnabdijevanju na tom području Općine Ilijaš.

## ADEM EFENDIĆ – vijećnik SBB-a

KV SBB-a je razmatrao ovaj Nacrt, a i mi smo kao i kolega Handžić zagovornici da se detaljnije prikažu kapitalna investiranja. Planira se dosta sredstava i za rasvjetu. Znači, detaljnije neke stavke prikazati i zamolio bi Službu za privredu, finansije i investicije da se obezbijedi javna rasprava u Savjetima mjesnih zajednica.

Iznose se podaci o velikim prodajama u Općini, ali ne vidimo u ovom nacrtu da je planiramo puno prodaja.

Diskutanata po ovoj tački dnevnog reda više nije bilo, pa je OV-e jednoglasno usvojilo

## ZAKLJUČAK

### Član 1.

Prihvata se Nacrt Budžeta Općine Ilijaš za 2016. godinu i stavlja na javnu raspravu.

### Član 2.

Nacrt Budžeta Općine Ilijaš za 2016. godinu stavlja se na javnu raspravu, kako slijedi:

- objavom putem web strane općine Ilijaš
- objavom na oglasnoj ploči općine Ilijaš

U javnoj raspravi učestvovat će: građni, mjesne zajednice, budžetski korisnici, političke stranke i ostale asocijacije i udruženja građana.

### Član 3.

Javna rasprava o Nacrtu Budžeta Općine Ilijaš za 2016. godinu se određuje u trajanju od 20 dana, počev od 27.11.2015. godine do 18.12.2015. godine.

### Član 4.

Nakon provedene javne rasprave, primjedbe i prijedloge će se dostaviti Službi za privredu, finansije i investicije u pisanoj formi ili putem e-maila, najkasnije do 21.12.2015. godine – 15:00 sati.

Primjedbe i prijedlozi dostavljeni poslije navedenog roka neće biti uzeti u razmatranje.

### Član 5.

Ovaj Zaključak stupa na snagu danom donošenja.

#### AD-5

### Nacrt Odluke o izvršavanju Budžeta općine Ilijaš za 2016. godinu

Diskutanata po ovoj tački dnevnog reda nije bilo, pa je OV-e jednoglasno usvojilo

#### ZAKLJUČAK

##### Član 1.

Prihvata se Nacrt Odluke o izvršavanju Budžeta Općine Ilijaš za 2016. godinu i stavlja na javnu raspravu.

##### Član 2.

Nacrt Odluke o izvršavanju Budžeta Općine Ilijaš za 2016. godinu stavlja se na javnu raspravu, kako slijedi:

- objavom putem web strane općine Ilijaš
- objavom na oglasnoj ploči općine Ilijaš

U javnoj raspravi učestvovat će: građani, mjesne zajednice, budžetski korisnici, političke stranke i ostale asocijacije i udruženja građana.

##### Član 3.

Javna rasprava o Nacrtu Odluke o izvršavanju Budžeta Općine Ilijaš za 2016. godinu se određuje u trajanju od 20 dana, počev od 27.11.2015. godine do 18.12.2015. godine.

##### Član 4.

Nakon provedene javne rasprave, primjedbe i prijedloge će se dostaviti Službi za privredu, finansije i investicije u pisanoj formi ili putem e-maila, najkasnije do 21.12.2015. godine – 15:00 sati.

Primjedbe i prijedlozi dostavljeni poslije navedenog roka neće biti uzeti u razmatranje.

##### Član 5.

Ovaj Zaključak stupa na snagu danom donošenja.

#### AD-6

Prijedlog Odluke o davanju saglasnosti općinskom načelniku za sklapanje ugovora o osnivanju stvarne služnosti na poslužnoj nekretnini – zgradi izgrađenoj na zemljištu označenom kao k.č.br.153 K.O. Ilijaš Grad (novi premjer)

MUAMER DERVIŠEVIĆ – vijećnik SDA

U ovoj Odluci stoji da će se sredstva od naknade za izgradnju anetnskog stuba biti uplaćena na račun JU KSC i Radio Ilijaš i ja tražim obrazloženje za koje namjene će se sredstva koristiti? Ujedno predlažem i sugerišem OV-u da se sredstva namjenski upute za zagrijavanje dvorane u KSC-u.

Diskutanata po ovoj tački dnevnog reda više nije bilo, pa je OV-e jednoglasno donijelo

Odluku o davanju saglasnosti općinskom načelniku za sklapanje ugovora o osnivanju stvarne služnosti na poslužnoj nekretnini – zgradi izgrađenoj na zemljištu označenom kao k.č.br.153 K.O. Ilijaš Grad (novi premjer)

## Prijedlog Odluke o imenovanju 2 (dva) člana Općinske izborne komisije Ilijaš

NIJAZ RASTODER – vijećnik LDS-a

Interesuje me, ako ste po bodovima redali kandidate, zašto je gospođica Salihović na pretposljednem mjestu, a po broju bodova bi trebala biti na drugom mjestu? Je li se to preferira da se ovako glasa kako je poredano?

ALAN ŠERAK – (zamjenik predsjednika Komisije za izbor i imenovanja)

Kandidati su poredani bodovno i došli smo do dva imena kako ste dobili u prijedlogu. Tako je tabela bila postavljena i mi smo samo bodovali.

MUHAMED HANDŽIĆ – vijećnik BPS-Sefer Halilović

Iz ove bodovne liste se vidi tendencioznost ove Komisije, a prvo se postavlja pitanje njihove stručnosti. Iako su u toj Komisiji sve naše kolege trebamo postaviti pitanje ko to ocjenjuje diplomiranog pravnika, ko daje ocjenu magistru prava ili eventualno čovjeku koji je vezan za ove izbore cca 20 godina. To je jedno pitanje, a drugo je pitanje morala. Kada smo birali člana OIK-e prije godinu dana, rekli smo da trebamo glasati za tog člana, jer ne radi nigdje. Sada ja vas kolege pitam, evo ovaj prvi predloženi član – Velid Fazlić, možda on ne radi, možda mu supruga ne radi, članovi obitelji ne rade, pa je evo opet prvi ili je on uhodani član tima koji će vjerovatno opet donijeti rezultate za izbore. Ovaj drugi član – znamo o čemu se radi i ne bih komentarisao, ali je grehota i sramota da nikad ne dođe na red npr. ovaj Mulić-dipl.pravnik, da mu se da prilika da bar stažira u ovom organu uprave pa da može nekada raditi u ovom organu ili nekom sličnom mjestu. Ne treba više da pričamo da brinemo o mladima, sve se ovdje pokazalo. Znači, čovjek ima prihoda sa svih strana, dajmo mu još, jer to on odlično radi.

SAUDIN DURMIĆ – vijećnik SDA

KV SDA je razmatrao ovu Odluku i imamo jedinstven stav i podržat ćemo je. Dajemo puno povjerenje Komisiji i smatramo da su izabrali dva najkvalitetnija i najstručnija kandidata. Kada su u pitanju ovi procesi trebamo gledati stručnost i iskustvo.

ADEM EFENDIĆ – vijećnik SBB-a

Kao član Komisije neću se složiti sa kolegom Handžićem da nisam bio stručan da ispitujem, odnosno obavim razgovor sa kandidatima koji su ispunjavali uslove konkursa. Bez obzira što nisam pravnik, u konkursnoj proceduri je pisalo da ne mora biti samo pravnik, može biti i ostalih zanimanja. Ne dajem za pravo nikome da nisam znao iz onoga što je trebalo pitati kandidate.

Nije ni meni jasan odgovor zamjenika predsjednika Komisije Alana Šeraka, a vezano za pitanje Nijaza Rastodera. On je pitao zašto nije kandidat na drugom mjestu, a imao je 22 boda. Po bodovnoj listi nisu poredani u prijedlogu Odluke. Ja želim reći da smo na Komisiji morali voditi računa o Izbornom Zakonu, o rodnoj i nacionalnoj zastupljenosti.

NIJAZ MAŠIĆ – vijećnik SBB-a

Želim reći da ću glasati za ovakvu Odluku iako je, i u Vijeću i stručnom dijelu pripreme, napravljeno puno grešaka. U Uputstvu ne piše da konkursnu proceduru provodi Komisija za izbor i imenovanja, već posebna komisija koja će objaviti konkurs i provesti konkursnu proceduru.

Diskutanata po ovoj tački dnevnog reda više nije bilo, pa je OV-e sa 18 glasova ZA i 1 PROTIV donijelo

Odluku o imenovanju 2 (dva) člana Općinske izborne komisije Ilijaš

AD-8

Prijedlog Odluke o prodaji jednosobnog stana u ul.126.Ilijaške brigade br.3/pr

SADETA BRKIĆ – pomoćnica načelnika za imovinsko-pravne poslove, geodetske poslove i katastar

U pitanju je raspolaganje imovinom u vlasništvu Općine Ilijaš. Početna cijena je 899,20 po 1m2. Općinski načelnik je utvrdio prijedlog Odluke u cilju prodaje jednosobnog stana.

NIJAZ RASTODER – vijećnik LDS-a

Interesuje me da li je u tom stanu bila gospođa koja je šehidska porodica i da li je smještena i na koji način? Koliko imam informacija, ona je iz tog stana istjerana "na vrat-na nos".

SADETA BRKIĆ – pomoćnica načelnika za imovinsko-pravne poslove, geodetske poslove i katastar

Da je deložacija bila takva, Služba bi imala takve informacije. Stan je slobodan od stvari i ljudi i kao takav je na raspolaganju.

Diskutanata po ovoj tački dnevnog reda više nije bilo, pa je OV-e sa 20 glasova ZA i 1 UZDRŽANIM donijelo

Odluku o prodaji jednosobnog stana u ul.126.Ilijaške brigade br.3/pr

AD-9

Prijedlog Odluke o načinu i uslovima prodaje poslovne zgrade sa zemljištem (k.č.br.760/5 K.O. SP\_Srednje)

Diskutanata po ovoj tački dnevnog reda nije bilo, pa je OV-e jednoglasno donijelo

Odluku o načinu i uslovima prodaje poslovne zgrade sa zemljištem (k.č.br.760/5 K.O. SP\_Srednje)

AD-10

Prijedlog Odluke o načinu i uslovima prodaje neizgrađenog građevinskog zemljišta (k.č.br.965/1 K.O. Ilijaš grad – novi premjer)

Diskutanata po ovoj tački dnevnog reda nije bilo, pa je OV-e jednoglasno donijelo

Odluku o načinu i uslovima prodaje neizgrađenog građevinskog zemljišta (k.č.br.965/1  
K.O. Ilijaš grad – novi premjer)

AD-11

Prijedlog Odluke o izmjenama i dopunama Odluke o utvrđivanju raspona cijena za  
neizgrađeno građevinsko zemljište prema zonama građevinskog zemljišta u Općini Ilijaš  
za 2015. godinu

SADETA BRKIĆ – pomoćnica načelnika za imovinsko-pravne poslove, geodetske poslove  
i katastar

Pravni osnov za donošenje Odluke je član 10. stav 1. i 5. Odluke o izmjenama i dopunama Odluke o građevinskom zemljištu kojom odredbom je predviđeno da OV-e naknade utvrđene Odlukom o utvrđivanju raspona cijena za neizgrađeno građevinsko zemljište prema zonama građevinskog zemljišta u Općini Ilijaš za 2015. godinu može mijenjati svaka tri mjeseca ukoliko dođe do značajne promjene cijena zemljišta na tržištu. Kako su na tržištu nekretnina bitno izmijenjeni uslovi usljed povećanja cijena zemljišta uzrokovano uslovima novih investitora, naročito kod nabavke zemljišta za izgradnju apartmanskih naselja, to je bilo nužno pristupiti izmjeni člana 1. stav 2. Odluke o rasponu cijena za neizgrađeno građevinsko zemljište prema zonama građevinskog zemljišta u Općini Ilijaš za 2015. godinu. Predložena izmjena i dopuna Odluke primjenjivat će se u roku određenom za primjenu Odluke o utvrđivanju raspona cijena za neizgrađeno građevinsko zemljište prema zonama građevinskog zemljišta u Općini Ilijaš za 2015. godinu.

NIJAZ MAŠIĆ – vijećnik SBB-a

Ja sam ovo shvatio da ćemo mi platiti zemljište koliko neko traži, odnosno koliko sudom dobije, a da će investitor imati zagarantovano 25 000 i da ćemo zbog podsticaja investicija mi biti u debalansu. Ja sam ovako shvatio i da li je to tako? Ako je to ovako, onda je zabrinjavajuće.

SADETA BRKIĆ – pomoćnica načelnika za imovinsko-pravne poslove, geodetske poslove  
i katastar

Raspolaganje neizgrađenim građevinskim zemljištem proceduralno je regulisano članom 363. Zakona o stvarnim pravima i rečeno je na koji način i Pravilnikom je pojašnjeno kako se to radi. To se licitira. Međutim, početna cijena u tim investicijama je 25 KM/m<sup>2</sup>, a zemljište ide u licitaciju. Dakle, koliku cijenu postignemo u nadmetanju. Što se tiče cijene zemljišta po kojoj se kupuje zemljište, Komisija za procjenu i promet nepokretnosti prema zonama određuje. Postoji Odluka koja je to regulisala. Zatim se koristi podatak Komisije za promet i procjenu nepokretnosti, a onda se traži i procjena ovlaštenog sudskog vještaka. Sve su to podaci koji idu prema preciziranju cijene. Dakle, ako sa vlasnicima ne postignemo sporazum o cijeni, onda takva odluka pripada Sudu u vanparnici. Sud će se u svakom slučaju rukovoditi ovakvim procjenama koje su kao takve, odnosno kroz sudsko vještačenje. Znači, ovo je bio metoda kako da premostimo ovaj period do slijedeće Odluke i ovo je bio jedini modalitet kako da se premosti ovaj period do kraja januara.

MAHIR DEVIĆ – zamjenik predsjedavajući

Ovdje je očigledno u pitanju naš stav prema Industrijskoj zoni "Luka" koji smo definisali kroz niz planskih dokumenata. Koliko ja znam, u proteklih 6-7 godina tu zemlju smo kupovali od namjenskih sredstava koja smo dobijali od Kantona Sarajevo. Naravno, te cijene su nekada bile jeftinije, a nekada skuplje. Vjerovatno će biti sve skuplje i skuplje što je logika stvari. Koliko znam tu još nismo imali sudskih sporova, rješavalo se dogovorno koliko je moglo, ali u nekom momentu će vjerovatno raditi i sudovi. Tu zonu mi trebamo osposobljavati i privoditi krajnjoj namjeni za koju smo je i namijenili.

Napomenut ću da ima niz općina koje industrijsku zonu daju za 1 KM da bi privukli investitore.

Ovo ne treba posmatrati kao budžetsku štetu, nego kao budžetsku investiciju koja treba da omogući nova zapošljavanja, nove investitore. To je suština.

Diskutanata po ovoj tački dnevnog reda više nije bilo, pa je OV-e sa 18 glasova ZA i 1 UZDRŽANIM donijelo

Odluku o izmjenama i dopunama Odluke o utvrđivanju raspona cijena za neizgrađeno građevinsko zemljište prema zonama građevinskog zemljišta u Općini Ilijaš za 2015. godinu

AD-12

Prijedlog Rješenja iz imovinsko-pravne oblasti:

- a) broj:06/1-31-806/15
- b) broj: 06/1-31-1511/15
- c) broj:06/1-31-2490/15

DAMIR FILIPOVIĆ – predsjedavajući

Naglasio je da je Komisija razmatrala Prijedlog Rješenja iz imovinsko-pravne oblasti broj: 06/1-31-806/15 i nije imala primjedbi na pravni osnov i pravno-tehničku usklađenost istog, te je jednoglasno dala saglasnost na isto.

Međutim, Komisija cijeni da utvrđena tržišna vrijednost nepokretnosti u iznosu od 35,00 KM/m<sup>2</sup>, koja je utvrđena na osnovu stručnog nalaza i procjene tržišne vrijednosti stalnog sudskog vještaka građevinske struke je preniska, te Komisija postavlja pitanje kako je sudski vještak utvrdio tako nisku cijenu.

SADETA BRKIĆ – pomoćnica načelnika za imovinsko-pravne poslove, geodetske poslove i katastar

Nije to niska cijena i ne odstupa niti u jednom iznosu u odnosu na cijenu zemljišta "Alića Gaj". Objekat se nalazi u najneposrednijoj blizini "Alića Gaj", čak parcela veže za građevinske parcele "Alića Gaj" i to je jedan realitet.

Diskutanata po ovoj tački dnevnog reda više nije bilo, pa je OV-e jednoglasno usvojilo

Rješenja iz imovinsko-pravne oblasti broj:06/1-31-806/15

- b) broj: 06/1-31-1511/15



Diskutanata po ovoj tački dnevnog reda nije bilo, pa je OV-e jednoglasno usvojilo

Rješenja iz imovinsko-pravne oblasti broj: 06/1-31-1511/15

c) broj:06/1-31-2490/15

Diskutanata po ovoj tački dnevnog reda nije bilo, pa je OV-e jednoglasno usvojilo

Rješenja iz imovinsko-pravne oblasti broj:06/1-31-2490/15

AD-13

Informacija o stanju privrede, poljoprivrede i samostalnog privređivanja

MAHIR DEVIĆ – zamjenik predsjedavajućeg

Svjedoci smo da se u posljednje vrijeme jako puno počelo ulagati u podizanje zasada malinjaka, odnosno jagodičastog voća. S tim u vezi predlažem nadležnoj Službi da, kroz Pravilnik o podsticajnim mjerama predvidi neku vrstu stimulacije ovoga, kako bi ovo pokrenuli na području Općine Ilijaš.

NIJAZ RASTODER – vijećnik LDS

Svjedoci smo da posljednjih godina ima u Ilijašu pomaka infrastrukture na bolje. Stanje koje ste nam prezentirali je zabrinjavajuće u privredi. Recimo, proizvođačkoj industriji su dva miliona smanjene dobiti u 2014. godini u odnosu na 2013. godinu. Ako nema proizvodnje, vjerujte da ovo što mi trošimo i prikazujemo da su manji gubici u 2014. u odnosu na 2013. godinu, to su sve sredstva MMF-a, a proizvodnja pada što nažalost nije dobro i nemojte se puno hvaliti da je ovdje neko blagostanje. Jedino je nešto malo bolje poljoprivreda, a sve ostalo je u padu, osim onog što se finansira iz razno raznih budžeta.

Diskutanata po ovoj tački dnevnog reda više nije bilo, pa je OV-e primilo k znanju

Informaciju o stanju privrede, poljoprivrede i samostalnog privređivanja

Zatim je predsjedavajući OV-a Ilijaš Damir Filipović zaključio 35. sjednicu OV-a u 12:00h.

Zapisničar:  
Maida Habibović

PREDSJEDAVAJUĆI  
OPĆINSKOG VIJEĆA ILIJAŠ

---

Damir Filipović, dipl.pravnik

\*\*\*\*\*  
Ul. 126. ilijaške brigade br. 6, 71380 Ilijaš  
Tel. ++387 33 580-620, 580-698, fax. 400-505,  
Transakcijski račun kod VAKUFSKE BANKE,d.d. Sarajevo:1602000000710645  
e-mail [ov@ilijas.ba](mailto:ov@ilijas.ba)  
Broj certifikata:20938

